

Sastanak Upravnog odbora IMPULS projekta

13.12.2016 15:44



U Zagrebu je 13. 12. 2016. godine održan sastanak Upravnog odbora IMPULS projekta.

Na sastanku je razmatran nacrt Polugodišnjeg izvještaja realizacije IMPULS projekta te se diskutiralo o akcionim planovima katastarskih i kartografskih agencija država Zapadnog Balkana do kraja trajanja projekta, tj. do kraja 2018. godine. Nakon diskusije pristupilo se izradi radnog plana IMPULS projekta za prvi kvartal 2017. godine. Također je razmatran budžet IMPULS projekta do kraja 2018. godine.

Na kraju sastanka je bilo govora o načinu saradnje nakon završetka IMPULS projekta. Drugim riječima, razgovaralo se o planiranju sljedećeg projekta koji će se nastaviti na osnovu analize dobivenih rezultata

IMPULS projekta.

Takoder je održan i sastanak u vezi s trenutnim statusom ELF projekta i budućim aktivnostima, te iskustvima u implementaciji ELF projekta. Navedene teme su prezentirane predstavnicima agencija država Zapadnog Balkana. Nakon ovih prezentacija prisutni predstavnici katastarskih i kartografskih agencija regiona imali su priliku komentirati i zatražiti odgovore na određene nejasnoće u vezi s izazovima koji su prisutni tokom realizacije ELF projekta.

Sastancima su u ime Federalne uprave za geodetske i imovinsko-pravne poslove Federacije Bosne i Hercegovine prisustvovali direktor gosp. Željko Obradović te nacionalna koordinatorica IMPULS projekta doc. dr. Slobodanka Ključanin.